

SOALAN NO. 37

JAWAPAN:

Tuan Yang di-Pertua,

Insiden pergaduhan di Plaza Low Yat yang berlaku pada Julai yang lalu telah disiasat mengikut peruntukan undang-undang dibawah bidang kuasa Polis Diraja Malaysia (PDRM). Pada masa yang sama, pihak Kerajaan melalui Suruhanjaya Komunikasi dan Multimedia (SKMM) telah bekerjasama dengan penyedia platform seperti YouTube dan Facebook bagi menangani isu ini daripada diputar belit pihak yang tidak bertanggungjawab serta mengelakkan provokasi dan ketegangan kaum yang berterusan di dalam media sosial.

Namun demikian, sekiranya terdapat pihak yang masih lagi menyebarkan kandungan yang bersifat palsu, mengancam atau jelik berhubung insiden tersebut, pihak SKMM boleh mengambil tindakan di bawah Akta 588. Jika disabitkan kesalahan, individu boleh didenda tidak melebihi lima puluh ribu ringgit (RM50,000) atau dipenjarakan selama tempoh tidak melebihi satu (1) tahun atau kedua-duanya sekali.